

Xana I va mani va hisaka nhova?

E Afrika dzonga mindzilo kumbe ritshwa swi lumekiwa ni ku vangiwa hi vanhu. Eka ntanga wa Kruger, ndzilo wu lumekiwa hi marhenja ni valavisisi, kasi yinwana mindzilo yi vangiwa hi vapfumba vanga ti yimiselanga, hambu ku ri vahloti. Ritshwa rinwana ri nga vangiwa hi tilo ni rihati, kambe a swi tolovelekanga.

E ka tinhova ta Afrika ndzonga ku hisa nhova swi endleriwa swilo swo hambana hambana, ku katsa ni leswi:

- ku pfumelela matshamele ya ntumbuluko eka tindzawu leti hlayisiwaka.
- ku hlayisa nkucetelo wa makulele ya nhova.
- ku hisa ni ku sivela swimilani leswi nga lavekiki swo karhi.
- ku hlayisa nhundzu yo karhi.

Xana ritshwa ri fanele ku hisiwa rini?

Ku hava ritshwa ro karhi leri nga kahle eka swimilani ni swihari. Ku ni swimilani ni swihari swo kari leswi tsakelaka ritshwa minkhari hinkwayo kasi swinwana swi tsakela ndzhawu leyitshamaka yi nga hisiwanga nkarhi wo leha. Eka ntanga wa Kruger ritshwa ra hisiwa exikarhi ka lembe hinkwaro, ku hunguta vukari ni vukulu bya ndzilo. Maendlele lawa ya voniwa ya ri yona yo hlayiseka emafambiselweni ya ntumbuluko.

A hi mindzico hinkwayo yi onhaka

Swimilani ni swihari swa swikota ku tiyisela ndzilo. Swimilani swo tala swi kota ku hluka hi ku hatlisa endzaku ka ritshwa. Nhlayo ya swihari leswintsongo yona ya dlayiwa hi ritshwa, kambe swa kota ku tshwa leswaku ritshwa rita kutani swi tsutsumela ekule. Kutani loko ritshwa ri hundzile, swihari swa thlelela endzawini leyi nga tshwa.



© N. Govender

Ndzilo wu vile nchumu wa ntlovelo eka matiko ya Africa malembe layo tala ya nga hundza, na swona ndzilo wu ni ntirho wa nkoka eka swiyenge ni swikongomelo swa mafambisele ni maendlele ya swilo. Ku hangalaka ka ndzilo ku tekiwa tani hi mafambisele/ mahlayisele lamanene ya ntumbuluko ni leka vurimi.

Swihlahla / Nhova ya Afrika yi tala ku tshwa hi xivangelo xa maxele ni makulele ya byanyi hi nguva ya ximumu, lebyi tshwaka hi ku olova hi tinguva leto kala mpfula ta vuxika.

Mindzilo yi tolovelekile eka tinhova ta Afrika, na swona loko ho yi pfumala, nkoka wa ntumbuluko wu ta nyamalala.

Ku hisa nhova hi ndlela yo hlayisa ntumbuluko

Swinyenyana swinwana swi tirhisa ndzawu leyi hisiweke ku tswalela eka yona hikuva matandza ni vana va swona swa tumbeteka hi ntima wa masalelwa ya ndzilo.

© www.realbirdr.com

Ku hisa nhova yi ri ndlela yo hlayisa ntumbuluko, i ndlela leyi lavisisiweke leyi xikongomelo ku nga ku antswisa nkoka wa ntumbuluko lowu nga ta pfuna vahlayisi va ntumbuluko ku tiva nkoka lowu.



© R. Rogoyski

Ku fa ka swihari hi ndzilo ku le hansi hikuva swihari swa kota ku papalata ndzilo /ritshwa. Kasi swihari leswi tikumaka swiri ekhombyeni ra ritswa swi katsa tinjiya ni switsotswana leswintsongo, leswi swa ha faneleleka kula.

Swihari swo tani hi tihongonyi, swikota ku thlelela laha ku nga tshwi loko matluka ni mabyasi swi hlukile.

Switsotswana swo tala swa kota ku pona eka ritshwa naswona swotala swi kota ku andza hi ku hatlisa loko ritshwa ri hundzile.



© A. Wild

Mabyanyi ya hluka eka switshindzi swa wona, na swona ni ku hatlisa. Endzhaku ka ritshwa mabyanyi ya hluka ya sasekile.



Swihari leswi dyaka byasi swi ni matitwele kumbe maendlele yo hambana endzhaku ka ritshwa. Tinguluve-nhova ni timangwa i swihari leswi tsakelaka ndzhawu leyi hlukaka endzhaku ka ritshwa. Swi dya mabyasi lawa ya hlukaka endzhaku ka ritshwa ematshanweni ya mabyanyi ya khale.

Minsinya yo tala ya swikota ku tisirhelele eka ritswa hi makamba ya matshinye ya yona



© C. Goers

Switsotswana ni madongani swi kota ku poma eka ritshwa hi ku namarhela eka swihari leswi tsutsumaka ritshwa

Swibodze swi kota ku pona eka ritshwa hi tindlela ta vuthlari swa swikota ku tumbela hi maribye ku kota ku pona eka ritshwa. Laha ku nga hava maribye swibodze swi ta tsutsumela eripaleni yi ri ndlela yo papalata ritshwa.



© D. van der Merwe

© J. Waltzer



Ku kuma vuxokoxoko byo enta hi mhaka leyi mi nga tihlanganisa na Kate Parr eka Environmental Change Institute, eka University ya Oxford (kate.parr@ouce.ox.ac.uk)